

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-111-18/22

Datum: 08.11.2022. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22) direktor Zavoda **d o n o s i**

O D L U K U
o izboru najpovoljnijeg ponuđača u postupku javne nabavke opreme
„prenosni frižider za transport laboratorijskih uzoraka“

I

Prihvata se preporuka Komisije za nabavke broj 07-111-17/22 od 07.11.2022. godine i Ugovor o javnoj nabavci opreme „prenosni frižider za transport laboratorijskih uzoraka“ za potrebe Ugovornog organa dodjeljuje se ponuđaču **ELTA 90 Medical Biotechnology d.o.o. Sarajevo** ukupnom cijenom ponude od 3.352,05 KM sa uračunatim PDV-om kao najpovoljnijem ponuđaču.

II

Ugovor o nabavci iz prethodnog člana ponudiće se izabranom ponuđaču nakon isteka roka od 15 dana od dana dostavljanja ove Odluke.

III

Odluka stupa na snagu danom donošenja.

O b r a z l o ž e n j e

Zavod za javno zdravstvo Tuzlanskog kantona pokrenuo je postupak javne nabavke opreme „prenosni frižider za transport laboratorijskih uzoraka“ broj 07-111-2/22 od 26.09.2022. godine, putem konkurentskog zahtjeva za dostavu ponuda i prema Obavještenju o nabavci broj 1247-7-1-231-3-24/22 od 26.09.2022. godine, a na osnovu Odluke Upravnog odbora Zavoda za javno zdravstvo Tuzlanskog kantona broj 02-242-1/22 od 16.02.2022. godine.

Poziv za učešće u postupku javne nabavke je upućen sljedećim ponuđačima: EUROLAB D.O.O. BIJE LJINA, KEFO D.O.O. ISTOČNO SARAJEVO i TUZLA-FARM D.O.O. TUZLA.

Tenderska dokumentacija je objavljena na portalu javnih nabavki i istu je preuzelo 16 potencijalnih ponuđača. Za predmetni postupak predviđeno je provođenje e-aukcije.

U roku za prijem ponuda zaprimljene su ponude četiri ponuđača i to AB MEDIC d.o.o. Sarajevo, Doo Eurolab Bijeljina, DOO „DERBY TRADE“ BRČKO i ELTA 90 Medical Biotechnology d.o.o. Sarajevo.

Komisija za nabavke (u daljem tekstu: Komisija) je konstatovala da su sve ponude blagovremene i ispravno zapečaćene, te da su zaprimljene ponude ponuđača koji su preuzeli tendersku dokumentaciju sa Portala javnih nabavki i pristupila njihovom otvaranju. Po završetku otvaranja zaprimljenih ponuda Komisija je sačinila zapisnik, koji je, u skladu sa članom 63. stav (6) Zakona o javnim nabavkama BiH (Službeni glasnik BiH broj: 39/14, 59/22), isti dan dostavljen svim ponuđačima putem fax-a.

Komisija je zatim pristupila pregledu primljenih ponuda i konstatovala da ponuda ponuđača DOO „DERBY TRADE“ BRČKO nije prihvatljiva, jer je imenovani ponuđač ponudio opremu koja ne odgovara tehničkoj specifikaciji definisanoj u Obrascu za cijenu ponude, iz sljedećih razloga:

- Prema tački 11.2. pod a) tenderske dokumentacije ponuđači su bili dužni dostaviti katalošku dokumentaciju za ponuđenu opremu. Kataloška dokumentacija treba da sadrži sve tehničke podatke o ponuđenoj opremi (data sheet) koja će služiti kao referenca za ocjenu ponude u skladu sa zahtjevima tenderske dokumentacije. U katalogu je obavezno naznačiti (obojiti ili zaokružiti) ponuđenu opremu, odnosno dijelove specifikacija koji se odnose na ponuđeni model opreme čiju autentičnost ovjerava ponuđač.

Naime, imenovani ponuđač jeste dostavio traženu dokumentaciju, ali ponuđeni model predmeta nabavke ne odgovara tehničkoj specifikaciji koju Ugovorni organ zahtijeva u Obrascu za cijenu ponude i to:

- minimalni traženi temperaturni opseg tehničkom specifikacijom je od +12°C do -24 °C, a ponuđeni od +30 °C do -20 °C (donji prag ne ispunjava zahtjeve Ugovornog organa) i
- zahtjevana izolacija je minimalne debljine 70 mm, a ponuđena je prosječna od 40 mm.

Shodno navedenom, ponuda ponuđača DOO „DERBY TRADE“ BRČKO je odbijena.

Prilikom daljeg pregleda i ocjene zaprimljenih ponuda Komisija je konstatovala da su preostale tri zaprimljene ponude ponuđača AB MEDIC d.o.o. Sarajevo, Doo Eurolab Bijeljina i ELTA 90 Medical Biotechnology d.o.o. Sarajevo, potpune i dostavljene u skladu sa zahtjevima tenderske dokumentacije te shodno navedenom zakazala e-aukciju za 20.10.2022. godine.

Nakon održane e-aukcije, a shodno Izvještaju o toku i završetku e-aukcije, konačna rang lista ponuđača koji su učestvovali u e-aukciji glasi:

Rb	Naziv ponuđača	Cijena ponude (u KM) bez PDV-a	Umanjenje cijene	Rang
1.	ELTA 90 Medical Biotechnology d.o.o. Sarajevo	2.865,00	15,74%	1
2.	Doo Eurolab Bijeljina	2.870,00	8,01%	2
3.	AB MEDIC d.o.o. Sarajevo	3.116,00	8,08%	3

Prema Izvještaju o toku i završetku e-aukcije ponuda ponuđača ELTA 90 Medical Biotechnology d.o.o. Sarajevo sa ukupnim iznosom ponude od 2.865,00 KM bez PDV-a odnosno 3.352,05 sa PDV-om je najpovoljnija, shodno čemu je Komisija predložila da se ista prihvati, te je donešena odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od pet dana od dana prijema odluke.

DIREKTOR
Sarihodžić dr Majda, spec.socijalne medicine
MA menadžmenta

Dostaviti:

1. Ponuđačima
2. a/a